

廂蓋滿勳臣傳

卷十四

三十一



八旗通志初集卷之二百十四

勲臣傳十四

鑲藍旗滿洲世職官下

札都

恩特 那爾古

阿哈達

巴濟納 勒特奇
他那喀

韓初翰

翁莪岱 蘇爾瑪
蘇拜瑪

吳什毓

勒和勒 法薩理

賽柱

艾素 戴哈
拜三

覺羅哈拉

子碩倫

喀喀齊



阿哈丹

祖孟健

尼都禮

鄂和諾

賴丹

黑碩色

舒淑

伊布

秦岱

拖海

廣東

華顏

覺羅蘇魯邁

錫特庫

馬爾渾

丹代

滿度

七十

黑色

鐵保

渾泰查木布

葉綸

阿藍泰

達爾岱

見名臣安費揚武傳下二人同

敦克

赫色

艾音塔木

見名臣穆克譚傳下二人同

那桑阿

公圖

納海

見名臣喀山傳

西蘭

見名臣舒賽傳下同

席特庫

達爾珠

見名臣巴海傳下二人同

戴察

朱什里

圖彥圖

見名臣圖捫

尼努

見名臣根特傳

西納海

見名臣康喀

海都

見名臣巴篤禮

博思喜

見名臣巴特穆

徹納

見名臣胡什

尼喀納

見名臣富寧

格爾泰

見忠烈雅母

孟古爾代見忠烈下同圖似海

席特庫見忠烈下同龍什庫

霍色見忠烈艾賽傳胡什屯見忠烈吳達納傳

圖爾瑪見忠烈噶思舒書

札都滿洲鑲藍旗人世居佟佳地方以地為氏
初署護軍校康熙元年隨定西將軍一等公艾
星阿征偽桂王朱由榔由雲南至緬甸阿娃城
獲由榔以歸札都在事有功十三年七月隨安
南將軍尼雅翰征逆藩吳三桂至湖廣岳州敗
偽師吳應麒十五年十二月至攸縣三敗偽將
軍王國佐並在行間十七年偽將軍馬寶胡國
柱等圍永興縣札都隨眾力戰却之又隨大兵
破賊於白水石蔡家店折李橋等處十九年六

月隨都統希佛進廣至賓州大敗偽將軍范齊西韓詹仰等於陶屯二十年正月隨征南大將軍賴塔由廣西進征雲南至石門坎黃草壩連敗偽將軍何繼祖王弘勳之衆直抵雲南平定逆孽吳世璠七月隨都統希佛追勦偽帥馬寶等至烏木山敗之二十五年叙功授拜他喇布勒哈番又一拖沙喇哈番世職

恩特滿洲鑲藍旗人姓薩馬爾基氏世居松阿里烏喇地方初任護軍校康熙十三年十一月

隨征逆藩吳三桂至湖廣敗偽楊總兵等於炎溪地方十九年四月隨征南將軍穆占克沅州敗偽將軍吳應麒等二十年隨三路大兵克雲南平定逆孽吳世璠七月隨都統希佛等擊偽將軍馬寶巴養元等於楚雄追至烏木山破之三十五年隨撫遠大將軍伯費揚古征厄魯特噶爾丹在昭莫多地方破賊有功三十六年議叙授拖沙喇哈番世職同旗有那爾古者姓薩馬爾基氏世居松阿里烏喇地方初任驍騎校亦

以軍功議叙授拖沙喇哈番世職

阿哈達滿洲鑲藍旗人初任佐領康熙十三年從征逆藩吳三桂由陝西進四川至朝天關隨前鋒統領穆占破偽總兵石存禮十四年偽將軍王屏藩吳之茂等四路來犯復敗之於娘娘廟張飛廟梅嶺等處在事有功十七年議叙優授拜他喇布勒哈番世職三十五年八月隨撫遠大將軍伯費揚古征噶爾丹由西路進兵破賊於昭莫多剽殺甚衆三十六年叙功加一拖

沙喇哈番

巴濟納滿洲鑲藍旗人康熙十三年以七品官從征逆藩吳三桂屢敗賊兵十九年六月隨都統希佛等至廣西賓州破偽將范齊韓詹仰於陶屯地方二十年三月隨征南大將軍賴塔破偽帥何繼祖王弘勳等於黃草壩直至雲南平定逆孽吳世璠並在事有功二十五年議叙授拖沙喇哈番世職本旗有署叅領勒特奇者亦以隨賴塔征吳世璠有功授拖沙喇哈番世職

又有他那喀者。姓索爾濟氏。世居烏喇地方。亦以從征逆藩吳三桂。叙功授拖沙喇哈番。世職。韓初翰。滿洲鑲藍旗人。初任叅領。康熙十一年。從征逆藩耿精忠。至浙江。隨征南將軍賴塔破偽都督周烈等於衢州之蕉源河岸。十五年九月。偽將軍馬九玉渡江來戰。復隨賴塔往擊。三敗其偽。中軍李廷貴。十七年。隨賴塔在夏口。太平山。敗海寇。偽總督趙得勝。進兵至福建泉州。連破海寇。偽提督王進功。吳淑等。二十九年。從裕親王福全征厄魯特。噶爾丹至烏闌布通。敗敵有功。三十年。議叙授拖沙喇哈番。世職。三十五年。復隨撫遠大將軍伯費揚古征厄魯特。噶爾丹在昭莫多地方。破賊。三十六年。叙功加世職。為拜他喇布勒哈番。

翁莪岱。滿洲鑲藍旗人。初任佐領。康熙十三年。從征逆藩耿精忠。至浙江。賊將王仲仁率兵在諸暨縣拒戰。奮擊敗之。又隨貝子富喇塔至義烏縣。敗偽王總兵。至處州。連敗賊兵於臨善山。

望吾山大鐵村等處十四年偽將軍馬九玉中
軍李廷貴犯衢州翁峩岱隨征南將軍頗塔破
之十五年十一月海寇鄭錦遣偽總督徐克等
率兵二萬在小門山真鳳山立十四營拒戰翁
峩岱隨寧海將軍喇哈達往擊大破之復敗偽
興明伯趙得勝於太平山二十二年叙功授拖
沙喇哈番世職同旗有護軍校蘇爾瑪蘇拜者
並以康熙十三年同翁峩岱從征耿逆及海賊
有功各授拖沙喇哈番世職

吳什毓滿洲鑲藍旗人姓舒穆魯氏世居松阿
里海瀾地方初任護軍校康熙十四年三月從
撫遠大將軍信郡王鄂扎征察哈爾布爾尼在
大魯地方四敗敵衆十七年六月從征逆藩吳
三桂至湖廣隨討逆將軍鄂內在洞庭湖柳林
嘴君山連破偽帥杜輝巴養元等十九年隨貝
子章泰至貴州擊賊帥高起隆夏國相連破之
於鎮遠府二十五年叙功授拖沙喇哈番世職
勒和勒滿洲鑲藍旗人世居吳札地方以地為

氏康熙十四年三月隨撫遠大將軍信郡王鄂
內^札征察哈爾布爾尼在大魯地方敗賊又敗其
伏兵事平叙功授拖沙喇番世職同旗有護
軍校法薩理者亦以從征布爾尼^尼有功授拖沙
喇哈番世職

賽柱滿洲鑲藍旗人初任護軍校康熙十四年
五月從定南將軍希爾根征逆藩耿精忠至江
西建昌府敗賊帥邵連登於長興十五年三月
從安慶^親王岳樂征逆藩吳三桂破偽帥夏國相

於萍鄉縣十八年二月至長沙賊兵來拒敗之
二十五年叙功授拖沙喇番世職三十五年
八月隨撫遠大將軍伯費揚古征厄魯特噶爾
丹在昭莫多地方破賊有功三十六年議叙加
世職為拜他喇布勒哈番

艾素滿洲鑲藍旗人姓何舍禮氏世居界凡地
方初任護軍校康熙十四年三月隨撫遠大將
軍信郡王鄂札征察哈爾布爾尼在大魯地方
敗賊兵四次十九年從征南大將軍額塔由廣

西進雲南征逆孽吳世璠二十年正月至石門坎敗偽將軍何繼祖等三月復破之於黃草壩尋抵雲南歸化寺敗偽師胡國柄等平定逆孽在事有功二十五年議叙優授拜他喇布勒哈番又兼一拖沙喇哈番世職本旗名戴哈者亦以護軍校從征布爾尼吳世璠有功優授拜他喇布勒哈番兼一拖沙喇哈番世職又有名拜三者姓瓜爾佳氏世居葉赫尚陽堡地方亦以委署護軍校隨征布爾尼吳世璠二役有功授

拖沙喇哈番世職

覺羅哈拉滿洲鑲藍旗人

太祖高皇帝時從征葉赫克城有功崇德五年從鄭親王濟爾哈朗征明圍錦州偕囊古敗明杏山騎兵至錦州城隅遇敵哨卒二人殺之又隨圖爾格葉克舒等^於錦州城設伏破敵偕蘇拜馳掠敵汛敵人來拒以計敗之順治元年從睿王多爾袞入山海關擊敗流寇馬步兵二年叙功授牛叅章京世職是年隨固山額真準塔破偽帥劉

清澤於淮安十一月從征湖廣流賊一隻虎隨
貝勒勒克德渾破賊有功五年隨征南大將軍
譚泰征江西叛鎮金聲桓攻南昌府屢破賊衆
又隨梅勒章京覺善往征贛州破偽惠國公李
成棟七年叙功加世職為三等阿達哈哈番以
疾卒子碩倫襲職康熙十四年五月隨定遠平
寇大將軍安親王岳樂征逆藩耿精忠至江西
建昌府敗賊將邵連登於長興遂復建昌府十
五年十一月隨安親王岳樂進勦逆藩吳三桂

至湖廣攻長沙府敗偽帥馬寶等援兵於嶽麓
山二十年二月隨征南將軍穆占敗偽將軍夏
國相於平遠克其城二十二年叙功又加一拖
沙喇哈番

喀喀齊滿洲鑲藍旗人世居瓜爾佳地方以地
為氏康熙十四年五月以七品官從征逆藩耿
精忠至江西鄱陽湖官塘地方有賊帥黃豪以
水陸兩路兵來犯並擊破之又隨定南將軍希
爾根至康山湖破賊復饒州府又在建昌府長

興敗賊帥邵連登十五年隨安親王岳樂征逆
藩吳三桂敗偽將軍夏國相等於袁州之萍鄉
縣二十五年叙功授拖沙喇哈番世職
阿哈丹滿洲鑲藍旗人姓戴佳氏世居哈達之
杭澗地方伊祖孟健率族屬來歸

太祖高皇帝以其人編為牛彘即以孟健管牛彘事崇

德二年從征瓦爾喀什力戰陣亡阿哈丹任西
安府防守尉康熙十四年從征逆藩吳三桂至
四川有功優授拜他喇布勒哈番世職二十九

年隨撫遠大將軍裕親王福全征厄魯特噶爾
丹至烏闌布通地方破賊有功三十五年議叙
加一拖沙喇哈番

尼都禮滿洲鑲藍旗人姓瓜爾佳氏世居渾春
地方初任驍騎校康熙十六年從征逆藩耿精
忠至江西在老莊敗賊有功十七年六月逆藩
吳三桂遣偽帥馬寶等圍湖南永興縣尼都禮
隨征南將軍穆占擊却其衆十九年六月從征
逆孽吳世璠至廣西賓州隨都統勒貝等破偽

將軍范齊韓詹仰於陶屯二十年正月由廣西
進征雲南隨征南大將軍賴塔連破何繼祖王
弘勳於石門坎黃草壩直抵雲南平定逆孽在
事有功七月隨都統希佛等追偽將軍馬寶至
烏木山破之二十五年議叙優授拜他喇布勒

哈番世職

鄂和諾滿洲鑲藍旗人姓納蘭氏世居葉赫地
方初任護軍校康熙十三年從征逆藩吳三桂
至湖廣隨護軍統領額司泰敗偽將軍劉之復

等於宜都縣又連敗朱家堡松滋縣賊兵十九
年三月隨寧海將軍喇哈達征福建破廈門海
賊於澄浦澳地方二十年三月隨三路大兵至
雲南平定逆孽吳世璠並在行間二十五年議
叙授拖沙喇哈番世職

賴丹滿洲鑲藍旗人姓瓜爾佳氏世居葉赫尚
陽堡地方康熙十九年以護軍校從征南大將
軍賴塔征逆孽吳世璠二十年正月敗偽將軍
何繼祖等於石門坎三月又敗之於黃草壩直

抵雲南平定逆孽二十五年議叙授拖沙喇哈
番世職是役有本旗驍騎校黑碩色護軍校舒
淑署護軍校伊布秦岱拖海並在事有功各授
拖沙喇哈番世職又有名廣東者姓白蘇特氏
世居佛阿賴地方有名華顏者姓舒莫禮氏世
居烏喇地方二人亦以是役從征有功各授拖
沙喇哈番世職

覺羅蘇魯邁滿洲鑲藍旗人康熙十九年以護
軍叅領隨征南大將軍額塔由廣西進雲南征

逆孽吳世璠二十年正月敗偽將軍何繼祖王
弘勳等奪石門坎草草壩進抵雲南省城會同
三路大兵平定雲南在事有功隨都統希佛等
追偽將軍馬寶巴養元等於烏木山敗之二十
五年叙功授拜他喇布勒哈番世職

錫特庫滿洲鑲藍旗人初任親軍校康熙二十
年正月隨征南大將軍額塔征逆孽吳世璠至
石門坎地方敗偽帥何繼祖王弘勳等三月又
破之於黃草壩尋抵雲南歸化寺會同三路大

兵平定逆孽在事有功七月隨都統希佛等追
偽帥馬寶至烏木山破之二十五年議叙優授
拜他喇布勒哈番世職是役也本旗有護軍校
馬爾渾者亦在事有功俱優授拜他喇布勒哈
番世職

丹代滿洲鑲藍旗人初任驍騎校康熙十四年
四月從征逆藩耿精忠至江西鐵山界連敗賊
將朱俊聘等十九年六月隨都統勒貝等征逆
孽吳世璠進兵廣西至賓州破偽將軍范齊韓

詹仰於陶屯二十年正月由廣西進征雲南隨
征南大將軍賴塔在石門坎黃草壩等處連破
偽將軍何繼祖王弘勳等直至雲南平定逆孽
並在行間二十五年叙功優授拜他喇布勒哈
番世職

滿度滿洲鑲藍旗人初任護軍校康熙二十年
正月從征南大將軍賴塔征逆孽吳世璠在廣西
石門坎破賊又破賊於雲南之黃草壩尋抵雲
南城下會同三路大兵平定逆孽並在行間二

十五年議叙優授拜他喇布勒哈番世職三十
五年隨撫遠大將軍伯費揚古征厄魯特噶爾
丹至昭莫多地方擊破賊兵三十六年議叙加
一拖沙喇哈番

七十滿洲鑲藍旗人康熙三十五年二月以空
銜章京隨大兵由中路征厄魯特噶爾丹至克
魯倫河賊兵遠遁奮勇前進追勦之三十六年
議叙授拖沙喇哈番世職本旗有黑色者姓博
爾濟吉特氏世居吳喇忒地方亦以是役從征

有功得授拖沙喇哈番世職

鐵保滿洲鑲藍旗人姓覺羅氏世居葉赫地方
康熙三十五年八月隨撫遠大將軍伯費揚古
征厄魯特噶爾丹在昭莫多地方奮勇擊賊有
功三十六年議叙授拖沙喇哈番世職同旗有
空銜章京渾泰者亦以是役從征有功得授拖
沙喇哈番世職又有防禦查木布者亦於是役
由西路破賊有功授拖沙喇哈番世職
葉綸滿洲鑲藍旗人康熙三十五年以護軍校

隨撫遠大將軍伯費揚古征厄魯特噶爾丹在
昭莫多地方力戰有功五十九年又隨靖逆將
軍顏信征準噶爾三敗賊衆於是年九月遂以
平藏尋議授^叙拖沙喇哈番世職同旗有阿蘭泰
者亦以平藏有功授^授拖沙喇哈番世職



